

جَزَائِرِ حَاكِمِيَّة

جمعه ايرتسی

نومرو	جمادی الاول	سنه	تشرین ثانی	سنه	صحیفه
۷۴۶	۲۳	۱۳۱۱	۲۰	۱۳۰۹	۱۱۰۵۳

(اشبوغزته بهر هفته جمعه ايرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولمق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکینه مشتری اولمق استیانلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسمت

توجیهات

ارضروم ولایتی بدایت محکمه سی جزا
 دأره سی ریاستی معموره العزیز ولایتی بدایت
 محکمه سی جزا دأره سی رئیس سابق محمد
 قدری افندی به
 معموره العزیز ولایتی بدایت محکمه سی جزا

دأره سی ریاستی بغداد ولایتی بدایت محکمه سی
 جزا دأره سی رئیس سابق احمد وفیق افندی به

بغداد ولایتی بدایت محکمه سی جزا دأره سی
 ریاستی وان ولایتی بدایت محکمه سی رئیس اولی
 سابق ابراهیم ادهم افندی به تفویض بیورلمش
 و مومی الیهمدن بوراده بولنسان ابراهیم ادهم
 افندینک مغایر عدالت حرکاتده بولنیه جفته وذات
 شوکتسمات حضرت خلافتناهی به و دولت
 علیه لریه صادقانه ایضای خدمت ایده چکنه دأر
 تخلفی اجرا اولنوب محملارنده بولنسان محمد قدری

واحد و فیک افندیلرک دخی اصول مقررہ و جہلہ
امر تحلیفلرینک اجرامی ایچون ارضروم
و معمورۃ العزیز ولایتلرینہ تبلیغات مقتضیہ
ایشا قلمشدر .

محکمہ تمیز جزا دائرہ سی برنجی صنف ضبط
کاتبلرندن عزتلولطفی بک دائرہ مذکورہ
میزلکہ وحوالہ مدیریت بہیہ سی ضبط کتبہ سندن
بہجت افندی دخی مدیریت مذکورہ قلمی
میزلکنہ تعیین اولمشدر .

قرہ سی متصرفی سعادتلو ابراہیم صارم بک
افندی حضرتلری علیہندہ مقرر یانده بولندقلری
اکلاشلمسندن ناشی حقلرندہ حقوق عمومیہ نامہ
تعقیبات قانونیہ اجرامی لازم کلانلردن قرہ سی
بدایت محکمہ سی اعضا ملازمی خلیل افدینک
تحت محاکمہ الديرلاق اوزرہ ایشدن ال

چکدرلسی خصوصہ خداوندکار ولایتی استیفاف
محکمہ سی مدعی عمومیلکندن وقوعبولان
اشعار اوزرینہ عدلیہ نظارت جلیہ سنجہ
مأذونیت ویرلشدر .

قسم غیر رسمی

لازقہ سنجانی بدایت محکمہ سی جزا
دائرہ سندن ویریلوب باش مدعی عمومیلک
مأموریت علیہ سندن ۲۰ ربیع الآخر سنہ ۳۱۱
تاریخ وایکی بیک یوز الی نومرولی تبلیغنامہ ایله
مع متفرعات محکمہ تمیز جزا دائرہ سنہ کوندریلان
۱۲ رجب سنہ ۳۱۰ تاریخ و یوز الی نومرولی
اعلام قرائت اولندی .

مذکور اعلام مالی احمد بن محمد الطیشورینک

محکمہ تمیزہ ارسالی لزومہ ۲ تشرین ثانی سنہ ۳۰۹
تاریخندہ قرار ویرلدی .

فی ۱۱ جمادی الاول سنہ ۳۱۱
وفی ۸ تشرین ثانی سنہ ۳۰۹

وقوعبولان قتلندن طولابی جنایتلہ اتهام اولسان
علی ابراہیمک عندالحاکمہ قانون جزانک یوزیتیش
دردنجی مادہ سنہ تطبیقاً اون بش سنہ مدتلہ کورک
قونلمسنہ حکم اولندیفی حاوی اولوب تبلیغنامہ
دخی برقاج قسم محاکمہ ضبطلرینک وانلری تعقیب
ایدن آرہ قرارلرینک یکدیکنندن اول امضا ایله
تحت تصدیقہ التامسی مندرجاتنک اعتباردن
سقوطی موجب اولدیغنه ومع مافیہ وکیلک
مدافعاتنک نظردقته الهرق اسباب موجبہ بیانیہ
رد ویا قبولی حقندہ اعطای رأی اولنسی حق
مدافعہ بی تأمین ایدن قاعدہ ایجابندن ایکن بوندن
دخی ذہول اولنیش اولمسیلہ بناء علیہ لایحہ تمیزیہ
مندرجاتی اساساً بجایایدوکنہ مبنی اعلام مذکورک
نقضی طلب اولمشدر .

سائر اوراق دعوی دخی قرائتلہ تدقیقات
تمیزیہ اجرا اولندقدہ مأموریت مشار الیہانک
تبلیغنامہ سندن درمیان اولنان اعتراضات بجایانقض
حکمی موجب اسباب قانونیہ دن کورلمسکلہ بموجب
طلب اصول محاکمات جزائیہ قانوننک اوچیز
اون دردنجی مادہ سنہ توفیقاً اعلام مذکورک
نقضہ وایکوز غروش خرج اعلامک بالتحصیل

چال قضا سندنہ واقع محمودغازی قریہ لی حزرہ
اوغلی صاری باش سلیمانک وقوعبولان قتلندن
طولابی جنایتلہ اتهام اولنان ایکی کشینک محاکملری
بالاجرا بولنلردن جوزہ اوغلی عثمانک قانون جزانک
یوزیتیش دردنجی مادہ سنہ تطبیقاً اون بش وصاری
خلیل اوغلی کریمہ سی عایشہ نک یوزیتیش بشنجی
مادہ حکمنجہ اوچ سنہ مدتلرلہ کورک قونلملرینہ
حکم اولندیفی متضمن دکرلی سنجانی بدایت
محکمہ سندن ویریلان ۱ تموز سنہ ۳۰۹ تاریخی
اعلام واوراق متفرعہ سی باش مدعی عمومیلک
مأموریت علیہ سندن ۱۲ تشرین اول سنہ ۳۰۹
تاریخ وایکی بیک قرق دوت نومرولی تبلیغنامہ
ایله محکمہ تمیز جزا دائرہ سنہ کوندردلیکنندن

جمله سی قرائتله تدقیقات تمیزیه اجرا اولندقدده
آلت قتلک قامه شککنده اولوب موجود اولان
بحاق اولدینی اسباب حکمیہ دن اوله رق بیان
اولنیور ایسه ده بو صورت فنا حل اولنه حق
مواددن اولدیفندن جسد مقنوله کوریلان
یاره نک قامه و یاخود موجود اولان بحاق ایله
ایضاع اولنوب اولندیفنک معاینه یی اجرا ایدن
طیبیدن سؤال و استیضاحی لابد ایکن نقصان
براقلدیفنه دائر تبلیغنامه ده مندرج اولان اعتراض
بجا اولدینی کبی فعل قتلہ معین دینلان عایشه نک
قولاً و فعلاً معاونتته دائر برکونه ادله و اماره
درمیان اولندینی حالده من بوره نک او یولده
بالتجریم محکومتی جهتیه کیدلسنده اصابت
کوریله مدیکندن اصول محاکمات جزائیہ قانوننک
اوچیوز اون دردنجی ماده سنه توفیقاً اعلام
مذکورک تقضه و ایکیوز غروش خرج اعلامک
بالاستیفا محکمه تمیزیه ارسالی لزومنه ۲۸ تشرین اول
سنه ۳۰۹ تاریخنده قرار و برلدی .

فی ۱۲ جمادی الاول سنه ۳۱۱

وفی ۹ تشرین ثانی سنه ۳۰۹

نزه پول قریه سی اهالیسندن ولی بن محمد

ورجب ایله برادری فیضاه بن عیسانک قتل
اولملرندن طولایی متهم بولنان قریه مرقومه ده
ساکن عاکف بن ابراهیمک اون بش سنه مدته
کورکه قونلمسنه و حلی ایله عزیزک جنبه
درجه سنده محکومترینه دائر مناستر ولایتی
استیفاف محکمه سندن ویریلان اعلامک تمیزی
حقنده مرقومان عاکف و حلی طرفلرندن ویریلان
استدعانا ملر دائره مخصوصه سنجه لدی التدقیق
کورک حکمی رأساً قابل تمیز اولدینی کبی مرقوم
حلینک استدعانا مه سی دخی قبول ایدلیدیکی جهته
دعوای مذکوریه متعلق بالجله اوراق باش مدعی
عمومیک مأموریت علیه سندن ۲۸ تشرین اول
سنه ۳۰۹ تاریخ و ایکی بیک یوز سکسان اوچ
نومرولی تبلیغنامه ایله محکمه تمیزیه جزا دائره سنه
کوندردلیدیکندن جمله سی قرائتله تدقیقات تمیزیه
اجرا اولندقدده تبلیغنامه ده کوسترلیدیکی اوزره
مرقوملردن جنبه درجه سنده محکوم اولان حلی
طرفندن اسباب موجب تمیزیه یی حاوی لایحه
اعتراضیه ویرلماش و ذکر اولنان تمیز استدعاسنده
دخی اسباب تقضیه کوسترلماش اولدیفندن انک
تمیز استدعاسنک ردینه و جنایت حکمنه کنبجه
ذکر اولنان لایحه تمیزیه سنده صورت جریان
وقوعاندن بختله قتلده مدخلی اولدیفنه وعلیه نه

اردک بدایت محکمه سندن ۱۱ شباط
سنه ۳۰۶ تاریخ و سکسان عددی ایله اعطا قلنان
اعلامک تمیزی استدعا ایدن میخیلیج قضاسی
اهالیسندن اولوب اردک قصبه سنک پنایا
محلہ سنده نیقولاکی قریمانک خانه سنده موقتاً
مقیمه طارسو بنت خرسو دولو ایصاری ایله
تمیز علیها محله مذکورده ساکنه زابیو بنت
خرسو دولو ایصاری خاتونلر یوم معینه دائره یه
گلدکاری کبی مدعی علیها جواب لایحه سی دخی
کوندردلیدیکندن اصول محاکمه حقوقیه قانوننک
ایکیوز یکر می طقوزنجی ماده سی موجبجه تدقیقات
تمیزیه اجراسنه ایتدار قلندی .

اعلام مذکورک خلاصه مالی من بوره
زابیونک قصبه مذکورده واقع باحجت شرعیه
عهده تصرفنده بولنان معلوم الحدود برباب خانه سنه
همشیره سی من بوره طارسو طرفندن وقوعبولان
مداخله نک منعی طلب و دعوی و اثبات مدعا
ضمننده مذکور حجت شرعییه یی ابراز واعطا
ایتمسنه قارشو من بوره طارسو دخی حجت
مذکورده مضمونی انکار ایتمش ایسه ده محکمه جه
منازع فیه خانه نک اون الی سلهم اعتبار یله انحق
برسه می مدعی علیها من بوره طارسو نک مالی

مدار حکم اوله حق اماره بولندیفنه دائر اساس
ماده حقنده سرد اولنان اعتراضات امور
تقدیریه دن ایسه ده متهم مرقومک و کیلی طرفندن
عندالحاکمه تفنیکک صورت انداخت و معاینه سی
وراپورنده کوستریلان جریحه نک متهمک نزدنده
بولدینی خبر ویریلان آلت قتلہ موافق بولنامسی
ماده سی و بسائر جهتلر حقنده مفصلاً درمیان
اولنان مدافعات اوزرینه تعمیق تدقیقات ایله
بولنرک رد و یا قبولی استلزام ایدن اسباب موجب
قانونیه تعداد و ایضاح اولقمسزین یالکر دلائل
مشروحیه قارشو مدافعات واقعه نک غیروارد
بولدینی بیانیله اکتفا اولنسی موافق قانون
کور یله مدیکندن اصول محاکمات جزائیہ قانوننک
اوچیوز اون دردنجی ماده سنه توفیقاً اعلام
مذکورک حکم جنائی جهتنک تقضه و یوز غروش
تصدیق و ایکیوز غروش تقض خرجلرینک
بالاستیفا محکمه تمیزیه ارسالی لزومنه و مودوع
بش لیرا جزای تقدینک دخی وزنه یه ایراد قیدینه
۶ تشرین ثانی سنه ۳۰۹ تاریخنده قرار
ویرلدی .


فی ۱۲ جمادی الاول سنه ۳۱۱

وفی ۹ تشرین ثانی سنه ۳۰۹

اولوب باقی یدی سهمی مدعیه زابیویه پدرندن
و بر سهمیده والد سندن انتقال ایتدیکی کبی یدی
سهمی دخی شراء عهدۀ تصرفده اولدینی
مذکور حجت شرعیه ایله تبیین ایتسمه منی
مجله نك بیک یدیوز اوتوزالتنجی ماده سی موجبجه
خانه مذکور دن من بوره طارسونك متصرفه
اولدینی بر سهمدن ماعداسنه وقوعبولان مداخله
سك منعه حکمدن ومستدعیه من بوره طارسو
قادیك اشبو اعلام علیه نه کی اعتراضاتك
باشلوجه سی من بوره زابیونك انای محاکمه ده
ابراز ایلدیکی حجت شرعیه مضمونتی کندوسك
انکار ایلدیکی حلاله حجت مذکور مضمونك
اثبات ایتدیرلیه رك معمول به طوتلمسی مغایر
قانون اولدیغندن بحثله اعلامك نقضی استدعاسندن
عبارت بولمشد .

ایجابی مذاکره اولدقدۀ اعلام مذکور
مطالع سندن مفهم اولدینی اوزره مدعیه زابیو
قادین طرفدن منازع فیله خانه حقنۀ در میان
اولان ملکیت ادعاسك اثباتی ضمنتده عندالحاکمه
ابراز اولتان حجت مذکور نك مضمونی من بوره
طارسو جانبندن انکار اولمسنه و حجت مذکور نك
تاریخنه نظراً بلایینه مضمونیه عمل جائز اولور

و تائق شرعیه دن معدود بولماسنه منی محکمه جه
حجت مذکور مضمونك بینۀ عادلۀ ایله اثبات
ایتدیرلمسی مقتضی ایکن بودائرۀ قانونیه ده اجرای
معامله اولتمقسنزین مجله نك بیک یدیوز اوتوز
التنجی ماده سنه یا کش معنی و یر یله رك حجت
مذکور بنای حکم ایدلمسی مغایر اصول وقانون
اولدیغنه ومستدعیۀ تمیزك اعتراضاتی دخی بوجهته
متدائر اوله رق شایان قبول کورلدیکنه بناء اصول
محاکمۀ حقوقیه قانونك ایکوز اوتوز ایکنجی
ماده سی موجبجه اعلام مذکورك نقضه وقانون
من بورك ایکوز قرق دردنچی ماده سی موجبجه
کیفیتك یکیدن بالریویه اعلامه ربطی ضمنتده
محکمه مذکوریه اعاده سنه و زیرده مفرداتی
محزر اوچیوزسکسان طقوز یحق غروش مصارف
تمیزیه نك ایلروده حقسنز چیه حق طرفه رجوع
ایتمك اوزره اول امرده مستدعیه طارسو دن
النسنه ۲۶ اغستوس سنه ۳۰۸ تاریخنده متفقاً
قرار ویرلدی .



محکمه استیناف حقوق قسمندن حکم سابق
منقوضده اصراری حاوی ۳۱ تشرین اول
سنه ۳۰۷ تاریخی و یوز الی بر عددی ایله صادر
اولان اعلامك تمیزی بالی بازارنده اون بر
نومرولی قهوه خانه ده ساکن انسطاش وکیل
عطا افندی باعرضحال استدعا ایلدیکی حلاله یوم
معینده دائره یه کلیوب تمیزی علیه یکی قیوده بوستان
ایچنده یکر می بش نومرولی خانه ده مقیم قسطنطیوسك
ورود ایتسیله اصول محاکمۀ حقوقیه قانونك
ایکیوز قرق طقوزنجی ماده سی حکمنه توفیقاً محکمه
تمیزك هیئت عمومیه سنجه ایضاحات شفاهی سی
استماع اولندقدن صکره تدقیقات تمیزیه اجراسنه
ابتدار اولندی .

اعلام استینافی مذکورك خلاصۀ مالی
مرقوم قسطنطیوسك در سعادت بدایت محکمه سی
برنجی حقوق دائره سندن من بور انسطاشك
محکومیتی حاوی استحصال ایلدیکی اعلام علیه نه
مرقوم انسطاش طرفندن تمیزی دعواسنه قیام
اولتمش ایسه ده اساس ادعا بش بیک غروشی
متجاوز اولوب قابل استیناف اولدینی جهته محکمه
استیناف استدعا دائره سنجه اولیاده کی تمیزی
استدعاسك ردینه دائر صادر اولان اعلام

اوزرینه مرقوم انسطاش جانبندن محکمه استیناف
حقوق قسمنه بالمراجعۀ استیناف دعواسنه تصدی
ایدلمش ایسه ده مدت استینافیه نك مرورینه منی
استیناف استدعانا مهنه سنك ردینه قرار ویرلمکله
مرقوم انسطاشك مراجعت واقعہ سی اوزرینه
محکمه تمیزی حقوق دائره سنجه جریان ایدن تدقیقات
تمیزیه نتیجه سنده تمیزی اولتان اعلام ابتدائی قابل
استیناف اولدیغندن مهل استینافیدن باقی قلان
مدت ظرفده استیناف محکمه سنه مراجعت اولتمق
اوزره محکمه تمیزی استدعا دائره سندن صادر اولان
اعلام اوزرینه مرقوم انسطاش جانبندن محکمه
مذکوریه مراجعتله استیناف دعوی ایدلمش
و بومقوله قابل استیناف اولان بر اعلام ابتدائی
علیه نه طوغریدن طوغری به محکمه تمیزیه
مراجعته اعطا قلاتن تمیزی استدعای رد اولدینی
حلاله بو اراده مرور ایدن مدتك داخل حساب
اولوب اولمیه جفته دائر استیناف فصلنده برصراحت
یوغیسه ده مرقوم انسطاشك رد استدعای حاوی
و یریلان تمیزی اعلامك تبلیفی تاریخندن اعتباراً
مدت باقیۀ استینافیه ظرفده محکمه استینافیه
مراجعت ایدوب ایتدیکی حقنۀ تدقیقات اجرا
قلتمقسنزین عندالاستیناف مدت استینافیه نك
مرورینه قرار ویرلمسك قانونه مغایر تپدنطولای

اولیاده کی قرار استینافینک دخی نقض ایدیلهرک
قسم مذکوره اعاده قلمسی اوزرینه بشکرار
استینافاً اجرا قلنان محاکمه و تدقیقات نتیجه سنده
مدت استینافیه به تمیز اعلامی تاریخی مبدأ عد
اوله میوب مدت مذکوره نك اعلام ابتدائینك
تاریخ تبلیغندن حساب و اعتبار اوله جنی درکار
و اعلام ابتدائی مذکورك يوم تبلیغندن استیناف
استدعانا منه نك اعطاسی تاریخچه قدر گذران ایدن
مدت یدی ماهی متجاوز اولوب شو حالده مدت
استینافیه نك مع زیاده مرور ایدیلکی آشکار
بولدیغه و مرقوم انسطاشك سالف الذکر اعلام
ابتدائی علیه مهل استینافك مرورندن اول
طوغریدن طوغری به محکمه تمیزه مراجعت
ایتمی و مهل مذکورك اقتضاسندن اول تمیز
استدعانا منه نك رد اولموبده بو اراده استیناف
مدتك مرور ایلمسی ملاسه سیله محکمه تمیزه
مراجعت تاریخندن اعتباراً باقی قلان مهل استیناف
داخلنده مرقوم انسطاشه دعوای استینافیه ایچون
بر حق مراجعت ویرلمسی تمیزاً گذران ایدن
ایامك داخل حساب ایدلامسنی مسنلزم اوله رق
بوايه اصول محاکمه حقوقیه قانونك یوزسکسان
برنجی ماده سنه مغایر اولوب بویه مرجعك غیری
بر محکمه ده گذران ایدن ایامك مدت استینافیه به

بیانیله تصدیق طلبندن عبات بولمشدر .
ایجابی لدی المذاکره اعلام استینافی مذکور
مندرجاتندن مفهم اولدینی اوزره محکمه استیناف
حقوق قسمجه مدت استینافیه نك اعلام ابتدائینك
تاریخ تبلیغندن حساب و اعتبار اوله جنی اصول
محاکمه حقوقیه قانونك یوزسکسان برنجی ماده سی
اقتضاسندن اولدیغندن مستأنف انسطاشك
اولیاده کی اعلام ابتدائی علیه مهل مدت استینافیه نك
مرورندن اول محکمه تمیزه مراجعت ایتمسیله
دعوانك قابل استیناف اولمندن طولانی تمیز
استدعانا منه نك رد ایدلمسیله محکمه تمیزه مراجعت
تاریخندن اعتباراً باقی قلان مهل استیناف داخلنده
مرقوم انسطاشه محکمه استینافیه به مراجعت حق
ویرلمسی ذکر اولنان ماده قانونیه به مغایر و محکمه
تمیزه کچن مدت استینافیه به محسوبی لازم
کلیه جکی حقنده قانونده صراحت غیر موجود
اولدینی بیانیله مرور مدتدن طولانی مرقوم
انسطاشك استیناف استدعانا منه نك ردی قرارنده
ثبات و اصرار اولمش و واقعا ماده مذکوره ده
مدت استینافیه نك اعلام ابتدائینك تاریخ
تبلیغندن حساب و اعتبار اوله جنی محرر اوله رق
قابل استیناف اولان بر اعلام ابتدائی اوزرینه

طوغریدن طوغری به محکمه تمیزه مراجعتله
اعطا قلنان تمیز استدعاسنك رد اولدینی حالده
بو اراده مرور ایدن زمانك مدت استینافیه به
محسوب اولوب اولمیه جغه دائر قانون مذکورك
استیناف فصلنده بر صراحت بولنامش ایسه ده
تمیز فصلنك ایکیوز یکرمی اوچنجی ماده سنده
شرائط تمیزیه به موافق اولیان استدعانا نك رد
اولدینی صورتده اگر مهل تمیز مرور ایتماش
ایسه مستدعینك شرائطه موافق یکیدن استدعا
اعطاسنه صلاحیتی اولدینی و تمیز استدعاسی وقت
وزمانیه رد اولمیه رق بو اراده مهل تمیز مرور
ایلمش اولور ایسه شرائط لازم نك اکالی
ایچون مستدعی به مهل ویریه جکی محرر اولدینی
کچی بدایت اعلامنك قابل استیناف اولوب اولدینی
موضح اولماسندن و یاخود قابل استیناف ایکن
بالعکس قطعی ایدوکی مرقم بولمندن طولانی
محکوم علیه طرفندن قطعی ظنیه مهل استیناف
ظرفنده شرائط تمیزیه بالايشه محکمه تمیزه
مراجعت اولسوبده محکمه تمیزدن دخی تمیز
عرضه حالی وقت وزمانیه رد اولمیه رق بو اراده
مهل استیناف مرور ایتماش بولنور ایسه محکوم
علیهك ید اقتدار و اختیارنده اولیان بر سیدن
طولانی هم استیناف و هم تمیز صلاحیتندن

یوز اون طقوز بچق غروش مصارف تمیزیه نك
ایلروده حقسز جیقه جق طرفه رجوع ایتك
اوزره اول امرده مستدعی تمیز انسطاشدن
اخذ واستیفاسنه ۵ تموز سنه ۳۰۹ تاریخنده
هیأت عمومیجه اکثریت آرا ایله قرار ویریلرک
تفهیم قلندی .

محکمه استیناف حقوق قسمندن ۲۹ حزران
سنه ۳۰۹ تاریخی والتمش سکر عددی ایله صادر
اولان اعلامك تمیزی استیفا ایدن شهزاده
باشنده دیرکلر اراسنده اون طقوز نومرولی دكانده
مقیم آشچی حسین اغانك وکیلی مصطفی رفعت افندی
ایله تمیز علیه هکیملی اطهده اسکله جاده سنده
نومروسز خانهده ساکن بکلر اوغلی خسرو بکك
وکیلی قواص اوغلی فوآد افندی یوم معینده دائره یه
ککش اولملر یله ایضاحات شفاهیله لی استماع
اواندقدن صکره تدقیقات تمیزیه اجرا سنه
ابتدار قلندی .

محرومیتی مستلزم اوله رق بوا یسه معدلته مغایر
کورندیکندن بو مثللولرک محکمه تمیزیه حین
مراجعتلرنده مدت استینافیه دن متباقی هر قاج کون
قالمش ایسه تمیز استیفا لری نك رد اولندیغنی
حاوی محکمه تمیز اعلامك کندولرینه اعطا
و تبلیغی تاریخندن اعتباراً اول مدت ظرفنده
محکمه استینافیه مراجعته صلاحیتلری طبیعی
کورنمش و بو صورت محکمه تمیزك هیأت
عمومیه سنجه و قتیله دخی تحت قراره التمش و محکمه
تمیز حقوق دائره سنك اسباب محرره یه مبنی مقدمکی
نقض قراری موافق قانون بولنمش ایکن عندالاستیناف
بورالری نظر دقت و اعتباره التمسزین محکمه
تمیزده مرور ایدن مدتك داخل حساب ایدیلرک
مرقوم انسطاشك اولبابده کی استیناف استیفا
نامه سنك ردی قرارنده ثبات و اصرار ایدلمسی
قانونه مغایر و مستدعی تمیز انسطاشك اعتراضی
دخی بوجهته متدائر اوله رق موافق نفس الامر
کورنمش اولدیغندن اصول محاکمه حقوقیه
قانونك ایکوز قرق طقوزنجی ماده سی موجبجه
اعلام مذکورك تفضیله کیفیتك بر منوال محرر
یکیدن بالرؤیه اعلامه ربطی ضمننده محکمه
مرقومیه اعاده سنه وزیرده مفرداتی مرقم اوج

اعلان

ازمید سنجاغنه تابع قره مرسل قضاسنك
حویص دره قریه سی ساکنلرندن عارف چاوشك
قورشونله قتل و اتلاف اولمسندن طولای مظنون
علیه اولوب وادی فرارده بولسان یکی زغره
مهاجرلرندن مذکور حویص دره قریه سنده
موقتاً مقیم اورته بویلی واورته شیشمانجه وجودلی
سیاه صقاللی الا کوزلی سیاه قاش و صاچلی اسمر
بکزیلی اوتوزیدی یاشارنده مقتولك قائم برادری
حاجی عیسی اوغلی محمدعلی بن احمدك فعل مذکور
جرات ایلدیکی اکلاشلمش و حرکتی قانون
جزانك یوز یتیشنجی ماده سی حکمنی مستلزم افعال
جنائیه دن بولنمش ایدو کندن اصول محاکمات
جزائییه قانونك باب رابعك فصل نایسنده محرر
مواد احکامنه توفیقاً ازمید بدایت جزا محکمه سنده
غیاباً محاکمه سی اجرا اولنمق اوزره جنایتله اتهامنه
قرار ویرلدی کندن متهم مرقوم هر زرده کوریلور
ایسه طوتیلوب محکمه مذکور توفیقخانه سنه
تسلیمی لازمکله جی بالجله ضابطه عدلیه امورلرینك
معلومی اولمق اوزره اشبو اخذ و کرفت

مابعدی وار

مذکره سی در سعادت هیئت اتهامیه سندن بالتظیم
اعطا قلندی .

فی ۷ جاذی الاول سنه ۳۱۱
وفی ۴ تشرین ثانی سنه ۳۰۹

تجاردن یکجی احمد افندیکنک مرچانده
کلیدخاننده کائن اون اوچ نومرولی او طه سنه
بالدخول قاصه سینی شکست ایله مجوهراتی سرقت
ایتدکری ادعاسیله مظنون علیهم اولان و یقتور
خایم قوفنا و استراطی ایله یونانی یانینک فرار
ایتملرندن و حقارنده اجرا قلنان تحقیقات اوزرینه
جنایتله اتهاملرینه قرار ویرلمسندن ناشی اصول
محاکات جزائیة قانونی موقتک اوچیزو یتمش
برنجی ماده سی موجبجه معامله مقتضیه ایضا
و محاکمه علنیة غیابیله بالاجرا جزا قانوننامه
هایوننک ایکیزو یکرمنجی ماده سنه توفیقاً بشرسنه
مدتله کورکه قونلملرینه و اوتوز برنجی ماده
قانونیه منطوقنجه حقوق مدنیهدن بالاسقاط
ماللرینک حجزینه محکمه جنایتدن غیاباً حکم
اولنمش و ذکر اولنان اصول محاکات جزائیة

قانوننک اوچیزو یتمش یدنجی و اوچیزو یتمش
سکرنجی و اوچیزو سکسان برنجی ماده لرله مواد
سائر سی احکامنه توفیق معامله اولنمی مرجعه
بیلدیرلمش اولمغه اعلان کیفیته ابتدار اولندی .

فی ۹ تشرین ثانی سنه ۳۰۹

لاترنه جی واسیلک ماشه ایله صول کوزینی
جرح ایدرک تعطیل عضوینه سبیت ویرلدیکی
ادعاسیله مظنون علیه اولان یورکینک فرار ایتمسندن
و حقنده اجرا قلنان تحقیقات اوزرینه جنایتله
اتهامنه قرار ویرلمسندن ناشی اصول محاکات
جزائیة قانوننک اوچیزو یتمش برنجی ماده سی
موجبجه معامله قانونیه ایضا و محاکمه غیابیله
بالاجرا جزا قانوننامه هایوننک یوز یتمش یدنجی
ماده سنه توفیقاً اوچ سنه کورکه قونلمسنه و اوتوز
برنجی ماده منطوقنجه حقوق مدنیهدن بالاسقاط
اموالنک حجزینه محکمه جنایتدن حکم اولنمش
و ذکر اولنان اصول محاکات جزائیة قانوننک
اوچیزو یتمش یدنجی و اوچیزو یتمش سکرنجی

واوچیزو سکسان برنجی ماده لرله مواد سائر
احکامنه توفیق معامله اولنمی مرجعه بیلدیرلمش
اولمغه اعلان کیفیته ابتدار قلندی .

فی ۲ تشرین ثانی سنه ۳۰۹

فی ۱۲ جاذی الاول سنه ۳۱۱
وفی ۹ تشرین ثانی سنه ۳۰۹

امینه خانمک $\frac{۳۰۸}{۱۳۹}$ نومروسسیله مقید اعلام
موجبجه دباغ زاده حسن تحسین افندی ذمتده
محکوم به الاجنی اولان معلوم المقدار مبالغتک تأمین
استیفاسی ضمنتده مدیون مومی الیهک محجوز
اولان طوپخانهده قره باش محله سنه برنجی سد
چیقمازنده سکر واون نومرولرله مرقم خانه لرده
متصرف اولدینی نصف حصه شایعه سنک فروختی
بک اوغلی بدایت محکمه سی ریاست اولیسی جانبندن
تحت قراره النمش اولمغه تاریخ اعلاندن اعتباراً
اون بش کون صکره بالمزایده فروخت
ایتدیریله جکی بک اوغلی بدایت محکمه سی اجرا
مأموریتی جانبندن اعلان اولنور .

فی ۶ تشرین ثانی سنه ۳۰۹

یوسف اغانک $\frac{۳۰۸}{۱۳۹}$ نومرولی اعلام موجبجه
قهرمان اغا ذمتده محکوم به الاجنی اولان معلوم
المقدار مبالغتک تأمین استیفاسی ضمنتده مدیون
مرقومک بشکطاشده سنک دده محله سنه مصرلی
بغچه سی زقاغنده مکرر ۴ نومرو ایله مرقم
متصرف اولدینی سکر یوز زراع عرصه سنک
فروختی بک اوغلی بدایت محکمه سی ریاست اولاسی
جانبندن تحت قراره ائهرق لدی المزایده قرق بر
بیک التوز غروش التون اقچه بدل ایله طالی
عهده سنده تقرر ایلدیکندن تاریخ اعلاندن
اعتباراً یوزده بش ضم ایله طالب اولانلرک اوتوز
برکون ظرفنده بک اوغلی بدایت محکمه سی اجرا

مبالغك تأمين استيفاسي ضمانتده متوفاي مرقوم
ورنه سناك انتقالاً متصرف اولدقلري بوغازاچنده
يكي كويده ايايقوله محله سنده كوي باشي جاده سنده
۲۱۲ نومرولى اللى زراع بربر دكاني عرصه سييله
۲۱۴ نومرولى ايكوز يكرمي زراع ميخانه
عرصه سنده بش سهم اعتباريله متصرف اولدقلري
ايكي بحق سهم حصه شايه لر ينك فروختي تحت
قراره الخمش اولديفندين تاريخ اعلاندين اعتباراً
اون بش كون صكره بالمزايدة فروخته تشبث
اوله جنى بك اوغلى بدایت محكمه سي اجرا ماموريتي
جانبندن اعلان اولنور .

في ۹ تشرين ثاني سنة ۳۰۹

رفائل افنديك ام كلثوم خاتم ذمتنده بااعلام
الاجنبي اولان مبالغك استيفاسي ضمانتده تحت
حجزه النان در سعادته فناده تحته مناره جاده
سند يوز اون اتى نومرولى حرم وسلاملق وبر
صوفه وايكي قيو وايكي مطبخ واوچيوز قرق زراع
بغچه بي حاوي بر باب خانه عندالمزايدة ليرا يوز

اوچيوز سكر سني اعشار بدلندن ديون
عموميه اداره سني اولان دين معلومه سناك تأمين
استيفاسي ضمانتده باليكسرينك على فقه محله سندن
خدا ويردى اوغلى آرتينك مجوز بولنن قصبة
مذكوره نك كوسه لر اللى موقعنده بش دونم بر
قطعه ترلا سييله ياغيكارده برر دونم ايكي قطعه باغ
يرلري بالمزايدة بولنردن ترلا بشيوز اللى بش
وباغ يرلرينك بري ايكوز طقسان وديكري
ايكوز يكرمي غروش بدللرله طالبلري عهد سنده
تقرر ايدرك قرار داده لري كشيده قلمغله تاريخ
اعلاندين اعتباراً اوتوز بر كونه قدر يوزده بش
ضمله طالب اولانلرك قره سي اجرا دائره سني
مراجعت ايلملري اعلان اولنور .

في ۷ تشرين ثاني سنة ۳۰۹

دودو پلو قسطنطينك قرق كليسا تجارت
محكمه سندن استيصال ايلديكي ۳۰ مارت سنة ۳۰۵
تاريخلى اعلام موجبنجه متوفى ني قوله خرستوفيدى
ذمتنده محكوم به الاجنبي اولان معلوم المقدار

غروش حسابيله اون بيك غروشده طالبي
عهد سنده تقرر ايدرك تاريخ اعلاندين اعتباراً
برماه ختامنده قرار قطعي سي وبريله جيكي جهته
يوزده بش ضميله طالب اولانلرك مدت مذكوره
ظرفنده اسكدار بدایت محكمه سي اجرا دائره سني
مراجعت ايلملري اعلان اولنور .

في ۱۳ تشرين ثاني سنة ۳۰۹

غلطه ده خويار خاننده ۲۲ نومرولى مغازده
مقيم تبعه دولت عليه دن صراف استفانوس الفتر يادينك
فرانسه دولتي تبعه سندن اندر يالوال ذمتنده
والده سي متوفيه خاريقليا لوالك كفالت ماليه سييله
برقطعه سند موجبنجه غير از تسليم الاجنبي اولان
سكسان درت عدد ليراي عثماني وقرق درت غروش
ايله درت عدد تيمور بولي تحويلا تيك عينا ويا خود
بدلاً تحصيلي حقنده برنجي محكمه تجارتده اقامه
ايلديكي دعوانك فصل وخسمي ضمانتده مباشرى
اكاه اغا معرفيله مرقوم اندريا لواله تبليغ اولمقى

اوزره در سعادت فرانسه سفارته كوندر يلان
دعوتيه ورقه سي ظهيرينه يازيلان شرحدده مديون
مرقومك در سعادتي ترك ايدوب اقامتگاهي مجهول
بولمش اولديني بيان اولمش اولديفندين وبو
حاله مدعى طرفندن اعلانات قانونيه نك اجراسي
طلب ايلديكنندن مذكور دعوانك اشبو بيك
اوچيوز طقوز سني كانون اولك التنجى بازار
ايرتسي كوني ساعت يديده فصل ورؤيتي مقرر
اولمغه يوم ووقت مذكوره مرقوم اندريا لوالك
بالذات محكمه ده حاضر بولمسي ويا خود مصدق
سندله بروكيل كوندرمسي لازم كله جيكي شايد كنز
وطرفندن وكيل دخي كوندرمسي ايسه حقنده
اقتضا ايدن معامله قانونيه نك اجرا اوله جنى
معلوم اولمقى اوزره بوكره تنظيم اولنان دعوتيه
ورقه سي محكمه نك ديوانخانه سني تعليق اولنديني كبي
اعلان كيفيته ابتدار قلندي .

في ۱۸ جاذى الاول سنة ۳۱۱

وفي ۱۵ تشرين ثاني سنة ۳۰۹

موتوفي بارکیرجی عثمان اغا ورثه سنک کیرچیجی
یورکی ذمتنده محکوم به الاجننی اولان مبالغ
معلومه نك تأمین استیفاسی ضمتنده مرهون
وفروختی محکوم بولان قره باش محله سنده محار
اوغلی زقاغنده واقع اون درت نومرولی خانه
تختنده بولان کیرچیجی دکانک تاریخ اعلاندن
اعتباراً اون بش کون صکره بالمزایده فروخته
تشبث اولنه جنی در سعادت اعلامات نظامیه اجرا
دائره سندن اعلان اولتور .

تاریخ اعلاندن اعتباراً اون بش کون صکره
فروخته تشبث اولنه جفندن طالب اولانلرک پی
سورمک و بوندن دهازیاده معلومات المقتضیاتلرک
مدت مذ کوره ختامندن صکره در سعادت
اعلامات شرعیه اجرا دائره سنه مراجعت ایلملری
دائرة مذ کوره دن اعلان اولتور .

فی ۱۶ تشرین ثانی سنه ۳۰۹

فی ۱۷ تشرین ثانی سنه ۳۰۹

(مطبعة عامر ده طبع اولمشدر)

موتوفي عثمان بك ورثه سنک خدیجه ثانیه خانم
ذمتنده قسمت عسکری محکمه سندن ویریلان
۲۴ رجب سنه ۳۰۵ تاریخی بر قطعه ادانه حیجی